

Na osnovu člana 98. Zakona o visokom obrazovanju (Prečišćeni tekst) („Službene novine Tuzlanskog kantona“, broj: 21/21, 22/21, 5/22, 11/22, 16/22 i 5/25), člana 52. stav 1) tačka n) Statuta Univerziteta u Tuzli, Odluke Senata Univerziteta u Tuzli o broju studenata za upis u prvu godinu prvog i integriranog prvog i drugog ciklusa studija, te drugog i trećeg ciklusa studija na fakultete/Akademiju Univerziteta u Tuzli u akademskoj 2025/26. godini broj: 03- 3975-1-24/25 od 18.06.2025. godine, Odluke o raspisivanju Konkursa za upis studenata u prvu godinu prvog i integriranog prvog i drugog ciklusa studija na fakultete/Akademiju Univerziteta u Tuzli u akademskoj 2025/26. godini broj: 03- 3975-1-24.1/25 od 18.06.2025. godine, Odluke Upravnog odbora Univerziteta u Tuzli o iznosu participacije i školarine u troškovima sva tri ciklusa studija na fakultetima/Akademiji Univerziteta u Tuzli, a uz prethodnu saglasnost Vlade Tuzlanskog kantona broj: 02/1-34-17113-2/25 od 17.06.2025. godine i broj: 02/1-34-18580-2/25 od 17.06.2025. godine, raspisuje

K O N K U R S

ZA UPIS STUDENATA U PRVU GODINU PRVOG I INTEGRIRANOG PRVOG I DRUGOG CIKLUSA STUDIJA NA FAKULTETE/AKADEMIJU UNIVERZITETA U TUZLI U AKADEMSKOJ 2025/26. GODINI

I OPŠTE ODREDBE

USLOVI ZA PRIJEM STUDENATA

Član 1.

Pravo učešća na Konkursu imaju kandidati državljani BiH, strani državljani i lica bez državljanstva koji su završili srednju školu u četvorogodišnjem trajanju u Bosni i Hercegovini, kao i kandidati koji su srednju školu završili izvan Bosne i Hercegovine, a za koje je nakon postupka nostrifikacije, odnosno ekvivalencije utvrđeno da imaju završeno odgovarajuće srednje obrazovanje.

Pravo učešća na Konkursu imaju i kandidati sa srednjom stručnom školom u četvorogodišnjem trajanju, ukoliko su stekli dopunsko obrazovanje iz općeobrazovnih predmeta u gimnaziji ili srednjoj tehničkoj i srodnoj školi, o čemu prilažu odgovarajući dokaz.

Pravo za prijem na redovni studij imaju nezaposlena/izdržavana lica, a zaposlena lica imaju pravo učešća na konkursu na studentske programe na kojima se organizuje vanredni studij (studiranje uz rad).

Član 2.

Na fakultete/Akademiju Univerziteta u Tuzli u akademskoj 2025/26. godini u prvu godinu prvog i integriranog prvog i drugog ciklusa studija prvi put će se upisati sljedeći broj studenata:

Red.br.	Naziv fakulteta/Akademije Studijski program/Usmjerenje	Prvi ciklus- redovni studij				Vanredni studij
		Finansiranje iz Budžeta TK		Samofinansirajući studij		
		Studenti državljeni BiH	Studenti strani državljeni i lica bez državljanstva	Studenti državljeni BiH	Studenti strani državljeni i lica bez državljanstva	
1.	Akademija dramskih umjetnosti	16	2	6	4	
	• Produkcija	8	1	3	2	
	• Gluma	8	1	3	2	
2.	Edukacijsko-rehabilitacijski fakultet	45	3	45	3	
	• Logopedija i audiologija	15	1	15	1	
	• Specijalna edukacija i rehabilitacija	15	1	15	1	
	• Poremećaji u ponašanju	15	1	15	1	
3.	Ekonomski fakultet	120	10	120	20	30
	• Ekonomija*	90	5	100	10	
	• Poslovna ekonomija*					30

	• Menadžment u turizmu	30	5	20	10	
4.	Fakultet elektrotehnike	140	7	70	7	
	• Elektrotehnika i računarstvo*	120	5	60	5	
	• Tehnički odgoj i informatika	20	2	10	2	
5.	Fakultet za tjelesni odgoj i sport	25	1	5	1	30
	• Tjelesni odgoj i sport	25	1	5	1	
	• Edukacija trenera u sportu - Sportski trener*					30
6.	Farmaceutski fakultet	55	2	20	2	
	• Farmacija (integrirani I i II ciklus studija)	45	1	15	1	
	• Kozmetologija	10	1	5	1	
7.	Filozofski fakultet	195	26	135	26	
	• Bosanski jezik i književnost	15	2	5	2	
	• Historija	15	2	5	2	
	• Predškolski odgoj i obrazovanje	15	2	10	2	
	• Razredna nastava	15	2	10	2	
	• Engleski jezik i književnost	15	2	25	2	
	• Njemački jezik i književnost	15	2	10	2	
	• Turski jezik i književnost	15	2	10	2	
	• Žurnalistika	15	2	5	2	
	• Pedagogija	15	2	10	2	
	• Psihologija	15	2	20	2	
	• Socijalni rad	15	2	10	2	
	• Filozofija-Sociologija	15	2	5	2	
	• Politologija (Međunarodni odnosi i diplomatija)	15	2	10	2	
8.	Mašinski fakultet	90	3	30	15	
	• Energetika i termo-fluidni inženjering	30	1	10	5	
	• Proizvodno mašinstvo	30	1	10	5	
	• Mehatronika	30	1	10	5	
9.	Medicinski fakultet	80	5	215	30	
	• Opći studij medicine	80	5	80	5	
	• Odsjek zdravstvenih studija			135	25	
	- Studij sestrinstva			30	5	
	- Studij fizioterapije			30	5	
	- Studij medicinsko-laboratorijske dijagnostike			30	5	
	- Studij radiološke tehnologije			30	5	
	- Studij sanitarnog zdravstva			15	5	
10.	Pravni fakultet Studijski program iz područja prava	50	1	10	1	10
11.	Prirodno-matematički fakultet	105	6	55	6	
	• Matematika *	25	1	10	1	
	• Fizika*	10	1	5	1	
	• Geografija*	15	1	10	1	
	• Turizmologija	15	1	10	1	
	• Biologija*	25	1	10	1	
	• Hemija*	15	1	10	1	
12.	Rudarsko-geološko-građevinski fakultet	75	6	55	16	
	• Rudarstvo	15	1	5	2	
	• Geologija	10	1	15	5	

	• Građevinarstvo	30	2	20	2	
	• Bušotinska eksploatacija mineralnih sirovina	5	1	10	5	
	• Sigurnost i pomoć	15	1	5	2	
13.	Tehnološki fakultet	85	5	25	10	
	• Hemijsko inženjerstvo i tehnologija*	20	1	5	2	
	• Prehrambena tehnologija*	25	1	5	2	
	• Inženjerstvo zaštite okoline*	10	1	5	2	
	• Agronomija*	10	1	5	2	
	• Zaštita na radu	20	1	5	2	
	UKUPNO:	1081	77	791	141	70
	UKUPNO (I ciklus):	2090				70

* Na studijskim programima upisani studenti imaju mogućnost odabira ponuđenog usmjerenja iz studijskog programa u odgovarajućoj studijskoj godini/semestru.

NAPOMENA: Svi studijski programi za sve kategorije studenata se izvode na službenim jezicima u upotrebi u BiH.

PRVI UPISNI ROK

a) Za fakultete Univerziteta

- podnošenje prijave vršit će se od 20. 06. do 01. 07. 2025. godine;
- prijemni ispit održat će se 03. 07. 2025. godine u 10,00 sati;
- privremena rang-lista kandidata objavit će se do 04. 07. 2025. godine;
- konačna rang-lista objavit će se 09. 07. 2025. godine;
- upis primljenih kandidata obaviti će se od 14. 07. do 18. 07. 2025. godine.

b) Za Akademiju dramskih umjetnosti:

- podnošenje prijave vršit će se od 20. 06. do 01. 07. 2025. godine;
- I dio prijemnog ispita (kvalifikacioni ispit) održat će se 03. 07. 2025. godine u 10,00 sati;
- II dio prijemnog ispita (rad sa kandidatima u užem izboru) obaviti će se 04. 07. 2025. godine u 10,00 sati po rasporedu koji će biti objavljen nakon prvog dijela prijemnog ispita;
- III dio (završni - eliminacioni ispit) održat će se 07. 07. 2025. godine u 10,00 sati;
- privremena rang-lista kandidata objavit će se 07. 07. 2025. godine;
- konačna rang-lista objavit će se 11. 07. 2025. godine;
- upis primljenih kandidata obaviti će se od 14. 07. do 18. 07. 2025. godine.

Član 3.

Ukoliko se u provođenju konkursnog postupka ne popuni odobreni broj studenata za upis u prvom upisnom roku, organizovat će se drugi, a eventualno i treći upisni rok, do popune slobodnih mjesta o čemu će se naknadno utvrditi termin podnošenja prijave za treći upisni rok, te termin polaganja prijemnog ispita.

DRUGI UPISNI ROK

a) Za fakultete Univerziteta u Tuzli:

- podnošenje prijave vršit će se od 20. 08. do 29. 08. 2025. godine;
- prijemni ispit održat će se 02. 09. 2025. godine u 10,00 sati;
- privremena rang-lista kandidata objavit će se do 03. 09. 2025. godine;
- konačna rang-lista objavit će se 08. 09. 2025. godine;
- upis primljenih kandidata obaviti će se od 09. 09. do 19. 09. 2025. godine.

b) Za Akademiju dramskih umjetnosti:

- podnošenje prijave vršit će se od 20. 08. do 29. 08. 2025. godine;
- I dio prijemnog ispita (kvalifikacioni ispit) održat će se 02. 09. 2025. godine u 10,00 sati;
- II dio prijemnog ispita (rad sa kandidatima u užem izboru) obaviti će se 03. 09. 2025. godine u 10,00 sati po rasporedu koji će biti objavljen nakon prvog dijela prijemnog ispita;

- III dio (završni - eliminacioni ispit) održat će se 04. 09. 2025. godine u 10,00 sati;
- privremena rang-lista kandidata objavit će se 04. 09. 2025. godine;
- konačna rang-lista objavit će se 09. 09. 2025. godine;
- upis primljenih kandidata obaviti će se od 09. 09. do 19. 09. 2025. godine.

Član 4.

Rangiranje kandidata

Univerzitet u Tuzli upisuje utvrđeni (odobreni) broj studenata, rangiranjem kandidata primjenom kriterija kako slijedi:

Za upis na studijske programe na fakultetima

Rangiranje kandidata vrši se na osnovu ukupnog broja bodova ostvarenih prema opštim i pojedinačnim kriterijima i to:

1. Opšti kriteriji odnose se na postignuti uspjeh u srednjoj školi i vrjednuje se sa najviše 50 bodova;
2. Pojedinačni kriteriji odnose se na prosjek ocjena iz jednog do tri predmeta, iz dva razreda srednje škole, koji su od značaja za odgovarajući studij (koji su povoljniji za kandidata) i vrjednuje se sa najviše 5 bodova;
3. Prijemni ispit polaže se kroz test provjere znanja i sposobnosti kandidata iz jednog do tri predmeta koji su od značaja za odgovarajući studij i vrjednuje se sa maksimalno 40 bodova;
(Kandidati sa posebnim potrebama, uz prethodno podneseni pismeni zahtjev dekanu fakulteta polažu prijemni ispit na način prilagođen njegovoj potrebi, u skladu sa Statutom i posebnim opštim aktom Univerziteta).

Prijemni ispit je eliminatoran.

Kandidat na prijemnom ispitu mora ostvariti najmanje 20 bodova da bi ušao u dalji postupak rangiranja.

4. Kriterij po osnovu eksterne mature vrjednuje se sa najviše 5 bodova, a za drugi vid završnog ispita vrjednovanog ocjenom, položenog u drugim administrativnim jedinicama na prostoru Bosne i Hercegovine, odnosno koji su oslobođeni polaganja drugog vida završnog ispita najviše sa 2,5 boda.

Za upis na Akademiju dramskih umjetnosti rangiranje kandidata za prijem vrši se prema sljedećim kriterijima:

1. opšti kriteriji odnose se na postignuti uspjeh u srednjoj školi i vrjednuju se sa najviše 15 bodova;
2. pojedinačni kriteriji odnose se na prosjek ocjena iz jednog do tri predmeta, iz dva razreda srednje škole, koji su od značaja za Akademiju i vrjednuju se sa najviše 5 bodova.
3. prijemni ispit koji kandidati polažu u tri dijela: kvalifikacioni ispit, rad u užem izboru i završni-eliminacioni ispit.

Prijemni ispit vrjednuje se sa maksimalno 75 bodova, od čega:

- kvalifikacioni ispit maksimalno 25 bodova,
- rad u užem izboru predstavlja praktičan rad sa kandidatom iz oblasti studijskog programa, a boduje se kao sastavni dio završnog-eliminacionog ispita,
- završni-eliminacioni ispit - maksimalno 50 bodova.

Kandidat na prijemnom ispitu na Akademiji mora ostvariti najmanje 40 bodova da bi ušao u dalji postupak.

5. kriterij po osnovu eksterne mature vrjednuje se sa najviše 5 bodova, a po osnovu drugog vida završnog ispita, odnosno koji su oslobođeni polaganja drugog vida završnog ispita najviše sa 2,5 boda.

Član 5.

Broj bodova po osnovu **opštih kriterija, za fakultete**, utvrđuje se tako da se prosječna ocjena iz svih predmeta, u svim razredima srednje škole, množi brojem **10 (deset)** i nakon toga zaokružuje na dvije decimale.

Broj bodova po osnovu **opštih kriterija, za Akademiju**, utvrđuje se tako da se prosječna ocjena iz svih predmeta, u svim razredima srednje škole, množi brojem 3 (tri) i nakon toga zaokružuje na dvije decimale.

Član 6.

Broj bodova po osnovu **pojedinačnih kriterija, za fakultete/Akademiju**, utvrđuje se kao prosječna ocjena iz jednog do tri predmeta, u skladu sa Konkursom, iz dva razreda srednje škole, koji su od značaja za odgovarajući studij i nakon toga zaokružuje na dvije decimale, pri čemu se uzimaju ocjene povoljnije za kandidata iz dva razreda srednje škole.

U slučaju da kandidat u srednjoj školi nije imao sve predmete od značaja za odgovarajući studij ili nije imao predmet u dva razreda, prosječna ocjena se izračunava tako što se za predmete koje kandidat nije imao unosi 0 (nula) i dijeli se sa brojem ocjena iz predmeta koji su od značaja za odgovarajući studij.

Član 7.

Broj bodova **po osnovu kriterija eksterne mature, za fakultete/Akademiju**, utvrđuje se tako da se prosječna ocjena ostvarena na eksternoj maturi zaokružuje na dvije decimale, a ocjena na drugom vidu završnog ispita u srednjim školama na prostoru Bosne i Hercegovine pomnoži sa 0,5 i zaokruži na dvije decimale.

Član 8.

Pod jednakim uslovima, (jednakim brojem ukupno ostvarenih bodova na rang-listi) primjenom kriterija iz člana 4. ovog Konkursa, prioritet pri upisu pod jednakim uslovima imaju lica iz člana 18. stav (1) Zakona o dopunskim pravima boraca – branitelja i članova njihovih porodica – Prečišćeni tekst ("Službene novine Tuzlanskog kantona" broj: 10/20, 14/22, 9/23, 5/24 i 13/24), kao i lica iz člana 73. i 84. stav (1) Zakona o socijalnoj zaštiti, zaštiti civilnih žrtava rata i zaštiti porodice s djecom- drugi prečišćeni tekst ("Službene novine TK" broj: 18/23 i 7/24) pod uslovom da su uz prijavu na Konkurs priložili uvjerenje nadležnog organa o pripadnosti toj kategoriji.

Član 9.

Prijava na Konkurs

Prijava na Konkurs podnosi se na propisanom obrascu koji se može preuzeti na web stranici Univerziteta www.untz.ba ukoliko kandidat podnosi prijavu na Konkurs preporučeno putem pošte ili u Skriptarnicama Univerziteta (na Tehnološkom i Medicinskom fakultetu) ukoliko kandidat prijavu na Konkurs podnosi putem studentske službe, u kojoj kandidat mora naznačiti fakultet/Akademiju kao i studijski program na koji se želi upisati.

Prijavu na Konkurs sa odgovarajućom dokumentacijom, kandidat podnosi, putem studentske službe fakulteta/Akademije ili preporučeno putem pošte, u roku utvrđenom ovim Konkursom, na adresu fakulteta/Akademije.

Uz prijavu na Konkurs je obavezno priložiti:

- Diplomu o završenoj srednjoj školi, u originalu ili kopiji ovjerenoj kod nadležnog općinskog/gradskog organa ili notara;
- Svjedočanstva za sva četiri razreda srednje škole, u originalu ili kopiji ovjerenoj kod nadležnog općinskog/gradskog organa ili notara;
- Izvod iz matične knjige rođenih;
- Uvjerenje o državljanstvu, ne starije od 6 mjeseci;
- Ljekarsko uvjerenje samo kandidati za upis na Fakultet za tjelesni odgoj i sport, te ljekarsko uvjerenje i dvije fotografije za Akademiju dramskih umjetnosti - studijski program Gluma.
- Kandidati koji su u srednjoj školi polagali eksternu maturu, odnosno kandidati koji su u drugim administrativnim jedinicama na prostoru Bosne i Hercegovine polagali neki drugi vid završnog ispita, vrjednovanog ocjenom, odnosno koji su oslobođeni od polaganja završnog ispita, obavezno prilažu i uvjerenje o polaganju eksterne mature/završnog ispita/odgovarajući dokaz o oslobađanju od polaganja završnog ispita, u originalu ili kopiji ovjerenoj kod nadležnog općinskog/gradskog organa ili notara.

Kandidati koji pripadaju kategoriji lica iz člana 8. Konkursa, uz prijavu na Konkurs dužni su priložiti i dokaz nadležnog organa o pripadnosti toj kategoriji, u originalu ili kopiji ovjerenoj kod nadležnog općinskog/gradskog organa ili notara.

Kandidati koji su srednju školu/razred srednje škole završili u inostranstvu prilažu i rješenje o nostrifikaciji svjedodžbe o završenom srednjem obrazovanju/rješenje o ekvivalenciji završenog razreda izdatu od nadležnog ministarstva obrazovanja/prosvjete/nauke prema mjestu prebivališta, odnosno potvrdu da je taj postupak u toku.

Dodatne informacije kandidati mogu dobiti u studentskoj službi fakulteta/Akademije putem kontakt telefona (navedenih u članu 11. Konkursa).

Provođenje Konkursa za upis je oslobođeno plaćanja administrativne takse.

Član 10.

Troškovi studija

Lica koja prema konačnoj rang listi ostvare pravo na upis u kategoriji studenta iz člana 2. ovog Konkursa participiraju u troškovima studiranja, odnosno plaćaju školarinu u iznosu utvrđenom Odlukom Upravnog odbora Univerziteta u Tuzli (dostupna na www.untz.ba) i Odlukom Vlade TK ("Službene novine Tuzlanskog kantona", broj: 7/19)
https://skupstina.tk.gov.ba/Dokumenti/sl_novine/2019/sluzbene%20novine_7-2019_WEB.pdf.

II POJEDINAČNE ODREDBE

Član 11.

1. AKADEMIJA DRAMSKIH UMJETNOSTI

- Adresa: Tuzla, Kampus Univerziteta
- Telefon: 035/277-690
- Predmeti koji se boduju po pojedinačnim kriterijima su: Bosanski/Hrvatski/Srpski jezik i Historija/Povijest.

2. EDUKACIJSKO-REHABILITACIJSKI FAKULTET

- Adresa: Tuzla, Ul. Univerzitetska broj 1
- Telefon: 035/320-677; 320-679
- Predmeti koji se boduju po pojedinačnim kriterijima su: Bosanski/Hrvatski/Srpski jezik i Sociologija.
- Prijemni ispit: Test iz predmeta Biologija i Psihologija.

3. EKONOMSKI FAKULTET

- Adresa: Tuzla, Ul. Urfeta Vejzagića broj 8
- Telefoni: 035/320-823; 320-825

Studijski odsjek: Ekonomija

- Predmeti koji se boduju po pojedinačnim kriterijima su: Matematika i Informatika.
- Prijemni ispit: Test iz predmeta Matematika i Informatika.

Studijski odsjek: Poslovna ekonomija/Menadžment u turizmu

- Predmeti koji se boduju po pojedinačnim kriterijima su: Informatika i Demokracija i ljudska prava.
- Prijemni ispit: Test iz predmeta Informatika i Demokracija i ljudska prava.

4. FAKULTET ELEKTROTEHNIKE

- Adresa: Tuzla, Ul. Tihomila Markovića broj 1, Gimnazija "Meša Selimović"
- Telefon: 035/259-609; 259-610

Studijski program: Elektrotehnika i računarstvo

- Predmeti koji se boduju po pojedinačnim kriterijima su: Matematika i Fizika.
- Prijemni ispit: Test iz predmeta Matematika.

Studijski program: Tehnički odgoj i informatika

- Predmet koji se boduje po pojedinačnom kriteriju je: Matematika.
- Prijemni ispit: Test iz predmeta Matematika.

5. FAKULTET ZA TJELESNI ODGOJ I SPORT

- Adresa: Tuzla, Ul. 2. oktobra broj 2
- Telefon: 035/278-537

Studijski program: Tjelesni odgoj i sport

- Predmeti koji se boduju po pojedinačnim kriterijima su: Tjelesni i zdravstveni odgoj i Bosanski/Hrvatski/Srpski jezik.
- Prijemni ispit: Test iz motoričkih sposobnosti i znanja: poligon spretnosti i aerobna izdržljivost.

Studijski programi: Sportski trener

- Predmeti koji se boduju po pojedinačnim kriterijima su: Tjelesni i zdravstveni odgoj i Bosanski/Hrvatski/Srpski jezik.
- Prijemni ispit: Test općeg znanja iz oblasti sporta.

6. FARMACEUTSKI FAKULTET

- Adresa: Tuzla, Ul. Urfeta Vejzagića broj 8
- Telefon: 035/320-998
- Predmeti koji se boduju po pojedinačnim kriterijima su: Matematika, Biologija i Hemija/ predmeti iz hemijske grupe predmeta za tehničke škole.
- Prijemni ispit: Test iz predmeta Hemija, Biologija i Matematika.

7. FILOZOFSKI FAKULTET

- Adresa: Tuzla, Ul. Dr. Tihomila Markovića broj 1.
- Telefon: 035/306-365

Studijski program: Bosanski jezik i književnost

- Predmet koji se boduje po pojedinačnim kriterijima je Bosanski/Hrvatski/Srpski jezik.
- Prijemni ispit: Test iz predmeta Bosanski/Hrvatski/Srpski jezik i književnost.

Studijski program: Historija

- Predmet koji se boduje po pojedinačnim kriterijima je Historija/Povijest.
- Prijemni ispit: Test iz predmeta Historija/Povijest.

Studijski programi: Razredna nastava i Predškolski odgoj i obrazovanje

- Predmeti koji se boduju po pojedinačnim kriterijima su: Bosanski/Hrvatski/Srpski jezik i Matematika.
- Prijemni ispit: Test iz predmeta Bosanski/Hrvatski/Srpski jezik i Matematika.

Studijski program: Pedagogija

Predmeti koji se boduju po pojedinačnim kriterijima su: Bosanski/Hrvatski/Srpski jezik, Sociologija i Pedagogija.

- Prijemni ispit: Test iz Pedagogije.

Studijski program: Psihologija

Predmeti koji se boduju po pojedinačnim kriterijima su: Matematika, Biologija i Psihologija.

- Prijemni ispit: Test iz Psihologije.

Studijski program: Engleski jezik i književnost

- Predmeti koji se boduju po pojedinačnim kriterijima su: Bosanski/Hrvatski/Srpski jezik i Engleski jezik.
- Prijemni ispit: Test iz engleskog jezika.

Studijski program: Turski jezik i književnost

- Predmeti koji se boduje po pojedinačnim kriterijima su Bosanski/Hrvatski/Srpski jezik i Historija.
- Prijemni ispit: Test iz Lingvistike.

Studijski program: Njemački jezik i književnost

- Predmeti koji se boduju po pojedinačnim kriterijima su: Bosanski/Hrvatski/Srpski jezik i Njemački jezik.
- Prijemni ispit: Test iz njemačkog jezika.

Studijski program: Žurnalistika

- Predmeti koji se boduju po pojedinačnim kriterijima su: Bosanski/Hrvatski/Srpski jezik i Sociologija.
- Prijemni ispit: pisanje eseja, test iz predmeta Sociologija i Demokratija i ljudska prava.

Studijski program: Socijalni rad

- Predmeti koji se boduju po pojedinačnim kriterijima su: Bosanski/Hrvatski/Srpski jezik i Sociologija.
- Prijemni ispit: Test iz predmeta Sociologija i Demokratija i ljudska prava.

Studijski program: Filozofija-Sociologija

- Predmeti koji se boduju po pojedinačnim kriterijima su: Bosanski/Hrvatski/Srpski jezik, Filozofija i Sociologija.
- Prijemni ispit: Test iz Filozofije i Sociologije.

Studijski program: Politologija (Međunarodni odnosi i diplomatija)

- Predmeti koji se boduju po pojedinačnim kriterijima su: Bosanski/Hrvatski/Srpski jezik i Sociologija.
- Prijemni ispit: Test iz Sociologije.

8. MAŠINSKI FAKULTET

- Adresa: Tuzla, Ul. Urfeta Vejzagića broj 4
- Telefon: 035/320-924
- Predmeti koji se boduju po pojedinačnim kriterijima su: Matematika i Fizika.
- Prijemni ispit: Test iz predmeta Matematika.

9. MEDICINSKI FAKULTET

- Adresa: Tuzla, Ul. Univerzitetska broj 1
- Telefon: 035/320-603; 035/320-609
- Predmeti koji se boduju po pojedinačnim kriterijima su: Biologija, Hemija i Fizika.
- Prijemni ispit: Test iz predmeta Biologija, Hemija i Fizika.

9.1. ODSJEK ZDRAVSTVENIH STUDIJA

- Predmeti koji se boduju po pojedinačnim kriterijima su: Biologija i Hemija.
- Prijemni ispit: Test iz predmeta Biologija i Hemija.

10. PRAVNI FAKULTET

- Adresa: Tuzla, Ul. Muhameda Hevaja-Uskufija broj 7
- Telefon: 035/250-657
- Predmeti koji se boduju po pojedinačnim kriterijima su: Bosanski/Hrvatski/Srpski jezik, Historija/Povijest i Demokracija i ljudska prava.
- Prijemni ispit: Test iz predmeta Bosanski/Hrvatski/Srpski jezik, Historija/Povijest i Demokracija i ljudska prava.

11. PRIRODNO-MATEMATIČKI FAKULTET

- Adresa: Tuzla, Ul. Urfeta Vejzagića broj 4
- Telefon: 035/320-864

Studijski odsjek: Biologija

- Predmeti koji se boduju po pojedinačnim kriterijima su: Biologija i Hemija.
- Prijemni ispit: Test iz predmeta Biologija.

Studijski odsjek: Fizika

- Predmeti koji se boduju po pojedinačnim kriterijima su: Fizika i Matematika.
- Prijemni ispit: Test iz predmeta Fizika.

Studijski odsjek: Geografija

Studijski program Turizmologija

- Predmeti koji se boduju po pojedinačnim kriterijima su: Geografija i Historija ili Matematika i Engleski jezik.
- Prijemni ispit: Test iz predmeta Geografija.

Studijski program: Geografija

- Predmeti koji se boduju po pojedinačnim kriterijima su: Geografija i Historija ili Matematika i Engleski jezik.
- Prijemni ispit: Test iz predmeta Geografija.

Studijski odsjek: Hemija

- Predmeti koji se boduju po pojedinačnim kriterijima su: Hemija i Biologija.
- Prijemni ispit: Test iz predmeta Hemija.

Studijski odsjek: Matematika

- Predmeti koji se boduju po pojedinačnim kriterijima su: Matematika i Fizika.
- Prijemni ispit: Test iz predmeta Matematika.

12. RUDARSKO-GEOLOŠKO-GRAĐEVINSKI FAKULTET

- Adresa: Tuzla, Ul. Urfeta Vejzagića broj 2
- Telefon: 035/320-560

Studijski programi: Bušotinska eksploatacija mineralnih sirovina, Geologija, Rudarstvo, Sigurnost i pomoć

- Predmeti koji se boduju po pojedinačnim kriterijima su: Matematika, Fizika i Hemija.
- Prijemni ispit: Test iz predmeta Matematika.

Studijski program: Građevinarstvo

- Predmet koji se boduje po pojedinačnim kriterijima: Matematika.
- Prijemni ispit: Test iz predmeta Matematika.

13. TEHNOLOŠKI FAKULTET

- Adresa: Tuzla, Ul. Urfeta Vejzagića broj 8
- Telefon: 035/320-746

Studijski programi: Hemijsko inženjerstvo i tehnologija, Inženjerstvo zaštite okoline, Prehrambena tehnologija

- Predmeti koji se boduju po pojedinačnim kriterijima su: Matematika i Hemija.
- Prijemni ispit: Test iz predmeta Hemija.

Studijski program: Agronomija

- Predmeti koji se boduju po pojedinačnim kriterijima su: Biologija i Hemija.
- Prijemni ispit: Test iz predmeta Biologija i Hemija.

NAPOMENA: Mjesto polaganja prijemnog ispita naknadno će biti objavljeno na oglasnim tablama fakulteta/Akademije i web stranici Univerziteta.

III PROCEDURE ZA PRIJEM STUDENATA

Član 12.

Postupak realizacije Konkursa na Univerzitetu provode Komisije koje imenuju dekani fakulteta/Akademije. Nakon provedenog postupka rangiranja kandidata, utvrđenog Konkursom, fakulteti/Akademije usvaja privremenu rang-listu i **objavljuje je na oglasnoj tabli** fakulteta/Akademije i web stranici Univerziteta u roku utvrđenom Konkursom (pod šifrom koju su kandidati dobili prilikom pristupanja prijemnom ispitu). Privremena rang-lista na fakultetima/Akademiji se utvrđuje prema ukupno ostvarenom broju bodova po kriterijima iz člana 4. Konkursa i to redoslijedom od najvećeg do najmanjeg broja ostvarenih bodova, zaključno sa rednim brojem koji je odobren Konkursom.

Prigovor na rang-listu

Na objavljenu privremenu rang-listu kandidati mogu uložiti pismeni prigovor naučno-nastavnom/Umjetničko-nastavnom vijeću fakulteta/Akademije, putem Komisije za žalbe fakulteta/Akademije.

Kandidat ima pravo izvršiti uvid u svoj pismeni rad u žalbenom roku utvrđenom ovim Konkursom.

Pismeni prigovor se predaje lično u studentsku službu fakulteta/Akademije, u roku od 3 (tri) dana računajući od narednog dana od dana objavljivanja privremene rang-liste.

Konačnu Odluku po prigovoru donosi naučno-nastavno/Umjetničko-nastavno vijeće fakulteta/Akademije, nakon čega utvrđuje konačnu rang-listu, koju objavljuje na oglasnoj ploči fakulteta/Akademije i web stranici

Univerziteta (pod šifrom koju su kandidati dobili prilikom pristupanja prijemnom ispitu) narednog dana od dana usvajanja, sa naznakom kandidata koji su ostvarili pravo na upis i finansiranje iz Budžeta, te kandidata koji se sami finansiraju, do odobrenog broja za upis.

IV UPIS KANDIDATA

Član 13.

Upis kandidata vrši se na osnovu konačne rang-liste.

Primljeni kandidati pri upisu prilažu :

- popunjen propisani upisni materijal: prijavni list, upisni list, semestralni list i upisnicu - indeks, te dvije kolor fotografije formata za indeks;
- ljekarsko uvjerenje (osim za upis na Akademiju dramskih umjetnosti -studijski program Gluma i Fakultet za tjelesni odgoj i sport kojeg su kandidati priložili uz prijavu);
- dokaz o uplati participacije/školarine za upis u prvi semestar.

Obrasce upisnog materijala kandidati mogu nabaviti u skriptarnici Univerziteta na Tehnološkom fakultetu, Ul.Urfeta Vejzagića br. 8 i skriptarnici Medicinskog fakulteta, Ul. Univerzitetska 1.

Upisani kandidati zaključuju sa Univerzitetom ugovor o studiranju.

Uspješnim završetkom upisanog studijskog programa stiče se akademska titula, odnosno stručno zvanje u skladu sa Pravilnikom o korištenju stečenih akademskih titula i sticanju naučnih i stručnih zvanja na visokoškolskim ustanovama na području Tuzlanskog kantona („Službene novine TK“, broj: 10/24).

V ZAVRŠNE ODREDBE

Kandidat koji Prijavu na Konkurs dostavi preporučeno putem pošte, istu dostavlja navođenjem punog naziva i adrese fakulteta/Akademije, u roku utvrđenim ovim Konkursom.

Neblagovremene i nepotpune prijave (bez odgovarajućih dokumenata), kao i prijave kandidata koji ne ispunjavaju uslove iz člana 1. ovog Konkursa neće se uzeti u razmatranje.

Kandidat koji ne ostvari pravo na upis, niti potvrdi učešće na narednom upisnom roku, dokumenta predata uz prijavu na Konkurs lično preuzima u studentskoj službi fakulteta/Akademije.

Kandidati za upis koji imaju mjesto prebivališta izvan sjedišta Univerziteta mogu obezbijediti smještaj i ishranu u studentskim domovima Studentskog centra Univerziteta u Tuzli pod uvjetima utvrđenim posebnim Konkursom.